

王栴園先生集

刊

夜半歸來月中滿。白白

遠見孤舟。雪。浮。白。

夜  
夜

半  
身事問

王椒園先生集卷之三

信陽王納言惟允父著

七言律詩

壽楊南澗太夫人八袞

幕府祥光開八座。南山瑤艸並三春。玉觴節制  
朱顏老。寶婺春容白髮親。海鶴遙看仙鳥舊。冰  
桃共捧誥封新。欲知吉甫齊威望。花馬池頭有  
鳳麟。

登鎮朔樓次王岱麓大叅二首

三才圖會  
卷之三  
百尺危樓氣槩雄。朔方重鎮迥崆峒。襟喉此地  
清秋壯。供億當年絕塞通。西土穴寥霜帶月。南  
天悵望鴈橫空。控弦正是登臨日。萬里風雲一  
瞬中。

二

朔方自古一秦州。登眺逢今八月秋。黠虜無知  
仍犯夏。將軍有畧且懸鈎。憑闌如動東歸興。對  
酒還勞北顧憂。閭闔樓開頻遠望。廟堂誰欲爲  
君籌。

沙井道中

喜逢滿眼菊花鮮。倏爾相聞雁語傳。遠塞無尊  
隨我醉。中秋有月向人圓。觀風野雀淒清日。問  
俗山田黍稷年。回首須知光景異。懸厓陶穴望  
平川。

中秋夕同龔大叅康兵憲過飲朱白泉年  
兄行臺有菊不見月

細雨遙從白馬至。中秋忽傍菊花開。相看五色  
瓊瑤映。好爲三年使節催。雲隔清輝空對酒。人

三梅園集 卷之三  
逢佳節且登臺。殊方幸有同心侶。鴻雁天邊幾日迴。

龍泉亭邀牛昆溪年兄

不見昆溪十七年。一尊相對酌清泉。黃花雨後知秋老。白雁天邊爲客憐。媿我風塵千里隔。羨君瞻望五雲懸。萍逢把袂忽分手。霜日遙看共惘然。

挽許年兄祖母

睢水橋頭風木摧。榆陽漠北誄詞哀。三秦已墮

懸河淚。百歲空傳上壽杯。對月不堪啼塞雁。和熊仍欲傍粧臺。阿孫爲問陳情晚。野榻潛然抱病迴。

生子

媿我疎慵非老蚌。忽相傳報產豚兒。花明喜入添丁日。雲靄遙知叶夢時。對酒幸逢千里醉。充間已慰百年期。北戎烽警防秋急。南國尊鱸繫所思。

人日有感次楊南澗先生韻二首

紫塞霜天入晚晴。青陽淋氣靄山城。盤傳細菜  
看人遠。梅發新春和雪輕。自恨風塵歸俗眼。誰  
憐事業總虛名。聊將椒酒肅今日。欲問凌烟媿  
所生。

二

雪山斥堠五雲晴。節度疆場萬里城。歷險自慚  
駑力鈍。逢春幾得鳳毛輕。朔方肯壯班生志。黠  
虜仍驚霍老名。烽火羽書常間寐。論文尊酒足  
平生。

春正十九日侍南澗宴游原州北池

華筵春日靄池臺。冰雪樓舡迥未開。千里梅花  
人共遠。百年樽酒病多催。趨陪司馬清風滿。醉  
向元戎小隊迴。為問邊陲無一事。應知經略有  
羣材。

入鎮靖次章水東大叅

朔漠天高雁早寒。百年飄洒振風翰。懷多暫向  
關中抱。雲遠還須月上看。城角笳聞霜早勁。水  
頭艸軟雪初乾。尊從游子開千酌。渴與相如病

一般。遊綏德西山寺

遊綏德西山寺

野眺風飄入翠微。雕陰山合滿春暉。經橫寺閣傳僧鉢。尊酌花品照客衣。對榻徘徊桃李近。傍川岑寂故人稀。亭亭松栢干雲上。如隔蓬萊杖錫飛。

人共贈底河曲中丞之撫甘肅

薇垣此日照金尊。節制遙看下玉門。萬里山花迎劍珮。九天雲雨盪乾坤。先憂范老多紆策。長

技胡兒盡撤藩。聞說酒泉勞北顧。願將獻納為君言。

寧塞紀行

蘆溝川口望生愁。眼入黃花興轉幽。戎馬且嘶寧塞道。材官遙控定邊樓。深慚國計知無補。欲問軍儲幸有秋。遠客忽逢多病日。孤懷祗對朔雲浮。

大司馬楊南澗花馬池防秋喜雨限韻四

首

海內文明自一家。關西節制迥中華。甲兵還是元戎壯。霖雨行看細柳斜。首着且肥南牧馬。疆場不礙北輸車。防胡已見風塵塞。投筆誰云道路賒。

二

賀蘭山下入秋清。花馬池頭重朔城。雲雨喜逢千里合。客懷應對一尊傾。師負元有丈人望。鎖鑰仍歸寇老名。遠討窮荒寧至計。願將廟略獻平生。

三

秋山好雨忽經過。父老當年醉酒醜。八陣風雲連地險。三邊甲冑更人和。且看西戎知堅壁。為問東征聽凱歌。幕府分防狐窟遠。一尊初霽月華多。

四

出塞飄風野壑幽。荒墟細雨海雲頭。黃花漠漠千崖徑。白蓼颼颼八月秋。麟閣幾人元自並。武陵一曲許誰酬。當今司馬先聲迥。降虜紛紛作

上中丞萬五溪先生壽

遠愁。萬里長城開重鎮。千年南極迴佳辰。榆泉春酒  
河嵩並。驄馬霜臺歲月新。塞上已傳黃閣老。雲  
中更見白頭親。憑看桃實蘭芳祝。遙指燕山對  
日頻。

綏德言懷

風塵邊塞願多違。嘆息人生事已非。入望雕山  
遙對日。但憑尊酒且忘機。沙頭水碧添新雨。洞

口桃繁淨落暉。骨肉相期勞問訊。月明歸向蕨  
初肥。

過龍門寄葛與川年兄

峭函百里復龍門。伊洛千年與道存。石洞丹崖  
開禹蹟。川源碧樹迴山村。一聲雷發鯤鵬遠。萬  
頃濤迴天地翻。為報少陵詞賦客。月高涼夜欲  
銷魂。

喜黃子居內弟及諫弟迎入耀州

二弟遙憐千里至。孤懷曲抱萬山餘。鶴鴿飛急



王梅園集 卷之三  
雲輕散。漆沮尊從月上虛。對日不堪驅簿領。望  
淮應許問樵漁。悠悠風景潼關道。種竹栽花憶  
草廬。

出關

疋馬清風任往還。孤臣遠抱出函關。丹心遙對  
三千里。碧霧回看百二山。莫恠駑駘休足力。欲  
將詩酒駐容顏。潼川月下須臾別。五柳門前且  
共攀。

宿新安館

歸來此日新安店。傳說當年舊戍屯。幸入故園  
兄弟見。猶憐荒徑菊松存。風沙遙望黃梅雨。雲  
鶴相過白水村。中夏欲扳良夜醉。興來應倒月  
明尊。

秋日黃東石觀察招同劉近村方伯燕集  
雨霽霜清愛日曛。花開葉墮迥秋芬。桂林月出  
九天客。海嶠風搏萬里雲。遙入故鄉應對酒。幸  
逢佳況且論文。山城讌集懽今夕。鶴隼衝霄自  
不羣。

過袁松峰園亭賞菊

忽向松峯對菊枝。垂垂五色晚相宜。百年勁節  
催詩況。四榻清香共酒卮。秋老正逢歸雁日。客  
來自是賞花時。不嫌踈放還過訪。莫謂梧高月  
上遲。

題牧軒曉耕

萬峰圍合皆耕地。百雉城闔即牧軒。春眺雲橫  
催市谷。曉看月出傍花村。深憐白雪樓何在。上  
插青雲塔固存。登望歸來問野老。數年身世幾

乾坤。

和樊南渙九日韻

九日清秋傍客居。百年佳况更何如。曉凭丹閣  
煙山古。輕裊黃花風雨踈。詩酒不妨從宦侶。音  
書空自問林廬。故人相賞都閒事。好向江干學  
釣魚。

壽黃岳母八十

壽母顛顛經八袞。萊衣采采照千秋。况逢佳節  
開尊俎。喜並南山望斗牛。雨裊黃花綠對客。雲

橫丹鶴共登樓。芝蘭滿目皆真樂。有客東牀媿白頭。

溽暑

年來嘗為鬱征苦。此日還須花木深。玉井冰傳不自望。滄江濤起欲相侵。百年樓堞開尊眺。萬里雲烟繫客心。明發風雷從地起。長空野壑聽龍吟。

秋日山莊

霏微細雨入秋清。寥落荒村對酒傾。匹馬敝袍

薄客至。雛雞小酌野人情。山頭渾與黃花泥。霜後仍看白雁橫。天地澹然無一事。清泉洗耳足平生。

山莊七夕

匆匆靈鵲渡橋頭。况對雙星肯暫休。機杼萬重垂舊恨。梧桐一葉報新秋。皎然歡會須臾別。倬爾昭回控上游。言念龍車催曉發。流光明滅迫人愁。

餞林鳳渠之封丘令

抱璞遙從閩粵至。吾人喜見洛陽才。映門桃李  
三年靄。入境絃歌百里開。言折柳條催客醉。行  
看民瘥望君裁。蜚聲豈減文翁化。河曲應須借  
寇回。

送鮑都闕南征

明明節鉞九重下。孑孑干旌萬里來。威望久  
聞方叔將。忠誠還擬武侯才。秋風碧樹牽離思。  
暮雨黃花對舊醅。明日營開真細柳。雲臺消息  
幾時迴。

宿計默夫山庄

霜華木落已秋深。逸興寒帷漫爾尋。竹隱孤村  
無犬吠。雲從幽壑有龍吟。楓林晚對砧逾急。松  
月平看酒欲斟。多病不堪登眺遠。試緣稚子問  
山陰。

九日登山無菊

忽逢野寺開佳况。不見黃花對夕暉。雨霽龍山  
三徑合。風颭松谷五雲依。祇看翠葆疑相妬。曲  
抱幽香晚自輝。倘與陶公頻繾綣。何妨蹊路夜

深歸。

三登小春晦日對雪

歲晚蒼山憐閨寂。陽春白雪迴光輝。誰將樽俎開佳况。且與詩歌淨落暉。片片遠圍狐兔沒。亭亭近有竹松依。旦來小霽堪清賞。野踏還須入翠微。

贈高雷峰年兄之肅寧教

南宮落日暫離羣。北學河汾雅重文。萬卷圖書皆化雨。九天鵬鷲待秋雲。青衿看竹移尊酒。白

畫傳經對夕曛。壯志還應各努力。英才準不負明君。

春夜張嵩淮見訪聞雷次韻

山城二月忽聞雷。四野陰雲入望來。良夜不妨淹客坐。芳尊元擬為君開。伏龍欲向淮南起。彩鳳遙從天上回。花柳冲融春自在。霏微風雨漫相催。

題鮑用芹方亭

郊洞遙問鮑參軍。卜築新亭思不羣。池面乍疑

淮浦凡山頭忽送楚江雲。一尊兩合舟相傍。四面花飛客自分。雛鳳伏龍應此地。漫携杯酒細論文。

題任南嶠郡守迺翁隱田冊

生平懶與通金籍。此日還看卧鹿門。玄鶴有情曾作客。黃花相伴獨開尊。一犁畝畝推先輩。百葉詩書寄後昆。欲問任公高士宅。卧龍曲抱水雲邨。

夏日言懷

南土淮川即艸堂。微風細雨自年芳。迴看更覺春風遠。獨坐惟憐白晝長。一介寧能憂社稷。百年終是頌明良。比來結夏頻高卧。藥物何須漫引觴。

秋日讌集言懷

清風白晝自南來。小院閒亭面面開。流水橋頭佳客至。蟠龍月底彩雲迴。藥欄正欲三時雨。秋浦還傾一葉杯。烽燧屢傳徒骯髒。年華早已鬢相催。

寄黃南渠年兄侍御

駱駝城下憶南渠。花馬池西卽草廬。讀禮三年藏白簡。汎湖十里淨紅蕖。風生客榻知宜酒。月傍琴臺好著書。鄙吝幾逢黃叔度。賀蘭元對子雲虛。

喜陳東阜年兄過訪

憶昨相違何閨寂。倏今良晤倍輝光。十年附翼鴛成侶。一日回車鴈獨行。媿我蹉跎淹歲月。羨君傾吐盡文章。山陰興發遙過訪。春霽花明可

暫息。

寄吳雨室楚中學憲

從別風裁廿載餘。久稽音問一行書。喜君鳳翥雲霄上。媿我樗材潦倒初。黃鶴樓開江月曉。紫薇花映竹窗虛。緣知絳帳多文藻。伊洛淵源迥自如。

中秋夜同吳海亭觀察登賢山

歲屆中秋入翠微。月逢清眺倍光輝。星軺節度風初勁。蟾闕嫦娥興不違。隔水紛紛羣雁下。背

岩嶼萬楓飛。相看此夕難。爲別酪酏何如後。  
夜歸。

程松泉將軍邀游賢山再陪吳觀察

古寺重逢使節登。山陰逸興許誰乘。碁圍石洞  
千松護。客倒金尊一檻凭。飛錫忽看林月吐。迴  
廊但覺野雲升。將軍邀我同吟眺。歲晚相看盡  
友朋。

答李中泉年兄

百年世態枉匆忙。使節過逢正一陽。對客自知

霜髮短。懷人不覺酒杯長。輞川別墅興仍在。水  
部高名樂未央。潘翰比來知好事。淮南還許到  
山庄。

鮑松山邀賞牡丹

三春富貴更誰家。乘興參軍共此花。國色幸逢  
詞客醉。天香欲傍美人賒。倚闌移席幽芳徑。霽  
雨飄風襯晚霞。爲愛姚黃難遽去。徘徊須待月  
明斜。

嘲徐百川孝廉



三  
林園集  
卷之三  
五  
彼美歸來日已斜。霓裳一曲繞雲霞。風飄別墅  
知前席。月到迴廊。即爾家。良晤深情垂雨露。小  
詞離思寄琵琶。寧能比翼爲鴛侶。忽爾同飛上  
海槎。

贈高了山

遙聞彩鳳來儀日。正是蒼龍得雨期。醉聽天邊  
傳雁塔。驚看月裏動蛾眉。才華太史自君重。留  
滯當年獨我知。廿載草玄探物理。老成飛踏豈  
云遲。

雨中朱訂伯四望過訪山莊

冒雨衝泥問物華。促車乘興到山家。盤餐幸有  
江魚美。村社慚無尊酒賒。上下新雛看燕子。翩  
翻翠蓋出荷花。祇愁市遠無供給。携手還須汎  
遠槎。

壽晉翁棘谿八十

人生八十能有幾。今日相傳獨棘谿。白髮滄江  
春自在。黃花尊酒樂誰携。鹿門高卧看南極。鶴  
膝長吟杖晚藜。有子正逢過里日。錦衣斑袖畫

三  
林園集  
卷之三  
堂齊

沈夢山入申次韻

往年黃鶴媿交游。此日相逢半白頭。身世幾驚  
新景况。才華不減舊風流。看花酌酒應同醉。對  
竹論心豈謾愁。準與留君期十日。從今一夕已  
三秋。

甲辰元日游賢隱山洞

新年避俗到山原。多病尋幽散鬱煩。半榻客來  
無犬吠。千峰石逗有蘿捫。愛留雪洞梅仍在。爲

護松門鶴自存。莫近蒲團飛錫地。白雲深處老  
乾坤。

閏九日對菊次高秀才

高秋逢閏菊花開。小徑尋芳且掛冠。幾種幽姿  
淹客至。一簾疎雨向人看。對尊幾欲開詩况。抱  
病還須問藥欄。颯颯西風吹落帽。何妨深夜盡  
君懽。

題趙崧南

尊酒一瓢開遠眺。大觀五嶽許相攀。遭逢雨露

三才圖會 卷之三  
雲霄上。在苒風塵天地間。此日病懷看北斗。平生幽況在南山。安能飛動凌滄海。直上蓬萊跨鶴還。

春正二日趙崧南岳咸唐黃可亭田對峰

丹谷三弟遠訪山中留宿二首

朝來雨霽靄春暉。尊酒相携入翠微。法座開時丹嶂合。洞門深處白雲飛。初逢佳客山人醉。試看孤峰匹鳥稀。薄暮僧歸頻下榻。迴廊閒窈掩松扉。

二

正月三日風且和。松梢竹籟響鳴珂。僧來空誦梵宮語。客至那堪柸酒多。萬木龍峯瀝水曲。百年身世北山阿。比來信宿因春至。多病偏能數枉過。

穀日對雪

蒼蒼此日雪風斜。擬向山陰泛小槎。柏酒乍開延客坐。瓊岩迥豁闔年華。迴簷裊裊春初動。舞袖翩翩興轉賒。欲往農家占歲穀。野人邀入問

梅花

上元游田對峰山庄

西風飄颯正堪眠。野望瀟漫更可憐。豈有羣狐時出沒。但教孤鶴滿山川。陰陰雲嶠春先入。白白梅梢月上娟。薄暮醉歸花樹合。鰲燈城郭水邊懸。

聞蟬

兀坐簷前正苦熱。偶逢雨後忽鳴蜩。但憑氣候空多噪。豈有風光遠見招。好曳殘聲過玉樹。難

將孤影上青霄。祇愁黃葉秋風裏。急管悲絲共寂寥。

初秋再游賢山

秋日重來扣竹扉。舊時景物已全非。雲封洞口迷丹壑。雨過松梢濕翠微。蘭若一時飛杖錫。稻花十里拂荷衣。狂歌徙倚人扶醉。疑是山翁薄暮歸。

苦雨

河干積潦豈天心。感慨還疑是陸沉。水決山頽

徒紀異。停尊對客且微吟。乘槎八月秋風早。破  
壁三春夜雨深。悵望遠天常淼淼。杞人惟有淚  
沾襟。

同張侍御觀芙蓉

出郭山花冒雨看。幽亭近水入秋寒。美人乍對  
芙蓉面。稚子遙簪豸史冠。清酒不辭隨客醉。嬌  
姿愁絕到霜殘。一枝把贈君休訝。笑倚琅玕月  
正圓。

同樊南溟賞菊

高齋秋菊倚闌干。五色叢叢望斗寒。尊酒湯隨  
佳客賞。花枝笑插野人看。冶粧疑似芙蓉面。堆  
璨何如瑪瑙盤。醉到西施寧別去。幽香常畏雨  
摧殘。

九日友人過訪讌集

佳節喜逢佳客至。東籬遙帶草堂幽。論文曾與  
盟鷗狎。豪客還思戲馬遊。颯颯霜華過塞雁。明  
明花塢迥城樓。登高不厭盤飧薄。乘興還須蕩  
小舟。

挽陳東阜年兄

憶君相向曲江頭。鴛鴦曾班孰與儔。執憲西曹思重望。分符南土惜淹留。一尊明月山陰夜。三徑黃花靖節秋。幾度懷人雲滿目。登樓不盡思悠悠。

元日值春

百年難遇歲朝春。老去忻逢更可親。盤菜細傳稱賀日。柏尊常醉太平人。階前草色勾萌動。簾外風光物候新。東閣已知連夜發。白頭何事轉

傷神

移居

僻性從來愛閭居。西城憑卜此吾廬。樓開山對乾坤豁。雲迥沙明日月虛。巢燕不妨人定後。栽榴遍照客來初。提携如意尊壘外。一篋圖書載後車。

吳海亭邀岳咸唐同賞蓮亭

十丈荷花傷客開。邀歡常共故人杯。但看翠葆風翻合。共裛清香月上迴。別館叨陪元亮興。登

三才圖會卷之三  
臺喜見少陵才。賡歌兢賞頻頻勸。千古還同茂  
叔來。

山莊病居

久耽林壑踈慵甚。其奈人情物態何。身外那知  
多魍魎。山中但欲問維摩。花開不解人多病。鳥  
語分明客和歌。莫謂澗流清且淺。年來亦自有  
風波。

長至日有感次海亭韻

閉關獨坐唯今日。灰管吹來又一陽。斗轉復迴

元有數。人逢道長豈尋常。壺觴江上憑誰訪。歲  
月山中覺我忙。南北妖氛茲已淨。臣工遙祝共  
天長。

同吳海亭兵憲再游賢山次韻

殿閣風生暑自消。坐看松竹上干霄。一尊良晤  
青山抱。萬象渾忘逸思飄。竊宗迴廊連野衲。皇  
皇使節傍星輅。題來自是成高咏。夙駕寧能負  
遠招。

秋日集鮑松山叅軍

王林園集 卷之三  
參軍此日開清讌。朋從相逢對菊花。幽抱百年  
憐晚節。秋風八月憶仙槎。每於北斗吟還望。欲  
向東山興且賒。酪酏不知霜雁過。哀鳴莫向野  
人家。

贈宋仰山之四川藩伯

千里霜風蜀道行。三巴雨露棧雲橫。中原驄馬  
人還避。南國朱轡鶴更清。傷客秋花別思遠。對  
山尊酒壯懷傾。錦官城外看鴻雁。淮水橋頭見  
月明。

答馮立雪

百年世事已拋擲。一代人豪應愛惜。堪嘆陌上  
皆丈夫。誰憐山中有和壁。開筵發興不逢君。對  
酒看花那作客。相見相邀者何爲。涼涼踽踽苦  
跼踖。

馮立雪歸田

未及馮唐可引年。忽如陶令賦歸田。石門雲卧  
知同俗。澤畔行吟一似仙。與客共扳明月夜。登  
軒漫草太玄篇。壟頭莠李饒春色。漁唱樵歌亦



洒然。

臺湖次前韻

臺湖偶發一時興。禾黍穰穰萬頃秋。且向酒尊  
同謝眺。但看身世與雲浮。開軒入席花和竹。避  
雨爲巢鳥是鳩。坐對雷山清麗絕。人生可負百  
年游。

董重夫按浙東過里北上

春日歸來對夕暉。那堪相晤復相違。江南宥客  
知驄馬。豐北山花睽繡衣。霽雨謾看尊酒別。

明時寧得諫書稀。河橋細柳催行色。五鳳樓頭  
迥德輝。

喜沈石山年兄至

聞自仙舟江上來。芳尊久擬爲君開。一簾斜日  
山中酒。兩袖清風雨後臺。豪氣爭誇王粲賦。病  
腰應惜沈休才。不妨酪酊同今夕。任爾城頭畫  
角催。

春日游賢隱寺次樊南溟

十年踈闊遠山隈。此日登臨古殿開。花隱竹垣

王叔園集 卷之三  
三十四  
虛法座。雲迴松嶂迴樓臺。上人未許初逢客。多  
病何能數舉杯。棋局面談香霧合。洞門深鎖且  
遲回。

壽王蒼溪先生

駢同五馬爲羣黎。公爾三年抱迥奇。北海兕觥  
稱有約。南山鶴筭本無期。喜逢華嶽丹芝日。况  
及陽春白雪時。卧治淮原唯撫字。願將賡誦月  
恒詩。

寄張嵩淮登第

十年燈火舊相依。萬里飛騰慰所思。駑馬先登  
非逸足。故人方得共揚眉。蛟龍豈是池中物。鴻  
鵠焉同燕雀知。老我山中多悵望。好將勲業建  
明時。

贈翟北坡先生之任浙中

芳草長堤開祖道。花明柳暗照離卮。一官琴鶴  
孤征日。千里雲烟悵望時。月滿霜封迎節度。鳴  
騶負弩見威儀。到來詩酒多乘暇。遙寄天中慰  
所思。

牡丹蘭花並開

開軒言說牡丹花。忽見芳蘭更可嘉。富貴不厭高士宅。幽貞偏稱野人家。香風出谷知誰伴。醉月凭闌祇自誇。有美並看同燕賞。高歌寧問酒尊賒。

歲暮賞雪

四野茫茫祇自憐。微吟擁褐更翛然。乘風已滿山陰道。醉酒還催月下船。悵望梅花思峻嶺。難將款段入平川。長安瑞雪偏宜咏。異代猶懷招

隱篇

同岳咸唐登震雷山

俯景振衣千萬仞。崩崖峭壁共躋攀。停杯匹馬長林外。倚杖孤雲落照間。城郭依稀迷醉眼。川原空闊迥開顏。明年此日猶能健。携手還期入舊山。

守軒城南書屋賦之

卜築垂成且著書。簾開敞豁自冲虛。百花對酒君應醉。叢篠干雲客不踈。詩酒尋常唯漫興。林

丘無事只安居。東山莫謂宜高卧。斗氣分明動  
草廬。

吳道深年兄別號梅泉賦贈

曉來遙憶楚梅新。超逸風神更可親。冉冉暗香  
山下細。泠泠疎魄雪先勻。蟠龍擬是嘗隣竹。和  
鼎何須問遠人。况復百花元爾望。千年占破一  
枝春。

和牛碧溪郡守白菊

佳况已耽秋色老。踈籬剛放兩三花。常教冲淡

移君愛。不假姿顏向爾誇。寒沁霜華綠酒興。香  
分月影憶詩家。亭亭獨惜危闌外。勁節瓊英照  
綺霞。

山莊卧病

雨後荒村秋可憐。山中連夕病相牽。詩人共勸  
歌無逸。野老懽傳慶有年。木葉丹崖時下下。月  
華良夜自娟娟。一尊謾酌河梁畔。醉向西風且  
獨眠。

八月朔日山莊值雨

中秋一日仍炎熱。四望山雲佈雨來。南向森茫  
慚抱病。西成逸樂可銜杯。藤蘿野蔓空相逐。松  
菊幽閑莫用猜。盥耳石泉頗自在。隣翁霽月好  
徘徊。

九日王竹里將軍邀游賢隱寺

龍山此日愛黃花。尊酒相從憶孟嘉。登望松圍  
城市遠。忻逢僧寺竹林賒。興高閒寂楓隨下。秋  
老風流日未斜。四面峰巒看欲醉。何須遙憶海  
雲槎。

贈李應洲紀行一律

四月清和時頗嘉。豈期賈誼向長沙。丹山采鳳  
德輝重。合浦明珠聲價賒。襟帶三江聊引興。尊  
開百斗莫相遮。無何雨露從天下。前席忻逢帝  
子家。

再過鮑用芹園林

叅軍俊逸詩還在。詞客風流興更狂。虛閣水臨  
荷篠淨。平田座入稻花香。雲高白幘春愁老。月  
上青山夜不妨。細聽蟬聲有涼思。誰將身世濯

三  
林  
園  
集  
卷之三  
三  
滄浪

春日漫賦

七十年来半掩扉。峰巒高處萬山微。風塵障日知誰是。花柳隨人覺我非。睨眄黃鸝空歷歷。參差菖竹自依依。但看世態渾無事。况有江鷗淨息機。

春日樊子極邀陪金北原對雪

獨坐城隈雪自飄。山陰枉駕忽相招。叨陪樽俎因春賞。得侍風騷待月謠。瑶艸和烟迷海嶠。瓊

花滿目過山橋。更看松竹颯颯動。疑是纖纖玉女颿。

寄任起菴

蒙山相距方千里。淮水滌流幾百迴。夏淩陰雲唯竹栢。月明悵望迥樓臺。小舟此日難乘興。下榻何時共舉杯。極目郊垌花柳合。朋從懷抱向誰開。

元夕

谷風荏苒酒尊頻。霽日融和物候勻。懷抱但教

王栢園集 卷之三  
今夕醉。詩歌肯負百年春。鰲山燈火遙相映。雪  
夜輝煌更可親。豪興不羈尋樂地。朱顏間有白  
頭人。

迎春雪用韵

飛花六出漫無疆。酌酒三觴喜欲狂。柏葉相傳  
催玉炬。枰盤况已頌春陽。呼兒延客開瓊宇。覓  
紙題詩步草堂。七十行年今日是。願將萬壽祝  
君王。

對雪獨坐

倚。西樓靜掩扉。同雲片雪雨霏霏。且憑尊酒  
飄。還醉莫問風光是與非。滿日山村俱慘切。叢  
林鳥雀自翻飛。兒童雜咏歡相笑。轉眼前峰失  
翠微。

甲子元日避居山庄

柴扉小徑寂無譁。暫與隣翁共一家。但假枰觴  
迎歲月。相將稚子問梅花。萬方稱賀知元旦。百  
代衣冠轉歲華。晴霽不勞車盖集。孤村滿眼柳  
條斜。

中秋對月

但看山郭入秋清。况值中秋月倍明。尊酒共懽  
晴歷歷。松風襍珮韻琤琤。露華如接青雲路。桂  
影遙瞻玉兔生。城闕斗牛俱燦爛。天涯鴻雁一  
行鳴。

武茶峰招游園亭汎舟

清和節候出郊坰。松竹參差傍水亭。面對南山  
添客况。尊開北海問誰醒。滌洄俎豆舟同泐。婉  
轉笙歌鳥共聽。酪酊不知歸處所。少焉月出上

開庭

仲春大雪次丹谷弟

瀰漫四野漫開襟。春草詩成亦賞音。學士文章  
緣霰集。浩然風味望梅尋。傾尊不減剡溪興。對  
景還同澤畔吟。縱謂瑤臺多玉樹。不應飛雪到  
春深。

乙丑元旦避居山庄

郊西五里即山庄。抱病還來舊草堂。元旦避居  
無客到。荒村對雪引杯長。梅花欲吐常須踏。竹



三林園集 卷之三  
葉相親可暫忘。老我漁樵堪作伴。相逢佳節任  
人忙。五里山山試問。未許。人言。日色。

挽戴遂谷先生

邃谷深沉雅好文。抗疏忠直迥離羣。桂花香散  
嶺南遠。鳳彩翔鳴塞北聞。吳越德音昭日月。海  
山道範際風雲。豈期鶴淚厥聲早。麟閣空令與  
世分。

五言絕句

春晝

碧柳牽幽興。寒花送早香。院深人不到。春晝喜  
初長。

積雨

礎潤綠多雨。鶴鳴常在陰。震山雷一發。長夏日  
沉沉。

二

群峰雲直矗。六月雨淙淙。試問瀾溪壑。寧能過  
楚江。

三

風雨千村暗。山濤百里奔。農夫長嘆息。盥耳閉柴門。

武昌晚眺

遠嶼明霞爛。芳洲碧水長。故園秋已半。應待菊花黃。

二

黃鶴樓何迥。洞庭秋色高。汨羅千古恨。空自誦離騷。

七里灘

晚山開兩峽。千里蕩微舟。無限風潮上。飄飄一海鷗。

元日登賢隱寺

元日愛山幽。扶筇取上頭。鳴鐘僧不語。禪定慧燈浮。

宿本上人山房

昨入毘盧頂。觀泉茲復來。梅花東嶺白。擬向柱陵開。

二

三才圖會 卷之三  
春時。開誦楞嚴呪。起唸漢魏詩。塔前草色動。正是踏

仙桂圖

丹桂客何在。玄娥琴自清。子期明月上。遙聽五  
雲橫。

題邢生畫扇

川口孤舟泊。橫空數鴈斜。擬知天上客。遙汎海  
中槎。

題方月舟扇頭

碧梧千仞合。丹崖一徑通。抱琴山麓下。知是問  
津翁。

贈劉秀才崑南

風雨洒河干。鵬搏九萬看。松高清籟發。祇見月  
宮寒。

六言絕句

于役江上

風急千濤澎湃。山巉四面嶙峋。總是登臨絕勝。  
猶令行役傷神。

秋江晚望

翠篠風扶草閣。寒花香沒秋暉。忽見山人對壑。更聞沙鳥啼歸。

二

漁父江頭獨立。弦琴月下孤高。秋水盈盈楚漢。西風戀戀綈袍。

登賢山

遠見孤雲出沒。平臨獨鳥飛翻。滿目自然成趣。會心不覺忘言。

二

慣見萬重山繞。那能六出風飄。坐入松風列列。迴看嶺月迢迢。

客緩德忽友人過訪

故人來自恒山。明日遙尋獨石。幽蘭不礙秋芳。紫塞應懷白壁。

七言絕句

同薛應登登黃鶴樓

羣峰凝望隔江清。千里帆檣泊晚旌。把酒翛然

雲鶴下不妨。籌漏滴深更。

二  
獨愛江樓對客清。擬看烟樹棹行旌。奕碁留月  
渾忘却雲外鐘聲。定幾更。

薛應登邀登樓玩雪未赴次韻

四顧峰巒澹遠埃。幾迴登眺酌江臺。暫因多病  
留君醉。明日携尊邀月來。

晚眺

舟橫漢渚雲逾白。日落秋江楓自紅。長望烟汀

目眇眇。數聲長笛晚天空。

過驪山

華清宮外雪霏微。回首驪山事已非。一笑傾城  
謾舉火。落花烟草自飛飛。

二

千年翠柏護驪宮。一曲霓裳繡嶺空。尋向華清  
宮不見。芳魂深鎖月明中。

新安道中

幾出山頭又入山。粼粼白石水潺潺。深冬不雨

山陰雪何處梅花載酒還。

入新興

小隊高原戒遠行。衝風踏雪萬山橫。天涯尊酒同誰酌。雲斷胡笳塞北平。

綏德道中

雨霽雲平水一泓。鳥飛木落萬山橫。磧中秋望無人度。長劍霜封對月明。

遣懷

絕塞風塵傍客年。生平肝膽更誰憐。三邊冰蘖

孤懷壯。十月霜天萬里懸。

三山道中雪

谷口雪橫三尺深。興來正欲訪山陰。行行野况不知返。樽酒梅花何處尋。

二

傳說三山歷萬山。邊城設險迥難攀。茲當雨雪深深處。聲入胡兒斷往還。

寒食

雕陰山下逢寒食。細柳營前斷晚烟。明日更增

五柳園集 卷之三  
游子慨鞦韆影裡阿誰邊。前遊別處想日更。

觀嗚咽泉已登秩宗西玄園亭

嗚咽泉邊一小亭。對山曲抱始開扃。臨流不見泉聲咽。疑是當年恨少醒。

二

夏入山花爛熳開。薔薇香浸秩宗臺。朔方滿眼自生色。塵事千年但舉杯。

壬寅秋聞虜寇山右比往歲慘甚感賦

陰霾七月滿秋山。胡騎三年兩度關。部落幾人

能戰鬪。小臣何以慰天顏。

二

虜騎焚屯靈石口。天兵血雨黑龍溝。當時不識擒王將。幾許能裊可汗頭。

三

持節元無霍去病。出奇那得李將軍。可憐秋日千夫戰。枯骨空屯萬里雲。

清澗道中

一澗泉流百折幽。滌澗玉帶掛山頭。誰憐恠石

玉林園集 卷之三  
嶮巖立。夢草朝花不盡愁。

南莊小館初成

山南小築已初成。坐對羣峰晚更清。自笑平生  
爲詩酒。灌花贏得最多情。

二

秋風搖落酒尊開。幾得城中車馬來。便與山人  
共傾倒。黃花不日共徘徊。

訪高生翫菊不遇

杖策東籬意不禁。老來偏欲對花神。徘徊嘯咏

幽亭上看菊還須待主人

九月八日雙林寺餞劉近村方伯

明朝九日未開。花餞客雙林。憶孟嘉坐對暮山  
秋。漸老澗流月映興猶賒。

鮑用芹亭上芙蓉

秋老但賞菊花鮮。江上芙蓉更可憐。一種姿容  
渾自在。官同桃李共爭妍。

游朱訐伯臺湖

十里臺湖即震峰。幽幽迥豁萬山從。但逢雷雨



千峰合擬是前潭有卧龍

二

同游首夏入臺湖一榻清風迥自殊遙憶白泉  
何處所醉看涼月上蒼梧

挽主政王默軒年九

山城蘿月昔論文磊落才華今憶君况有鳳雛  
輝五采那堪秋思日紛紛

二

長安春日並看花鶴侶分飛獨可嗟為問省臺

松柏在空餘山月已西斜

山莊九日

山中白酒對黃花柳外行歌送落霞幾見風流  
陶靖節相板爛醉野人家

二

佳節遙看山色幽幽人相傍菊花秋不羞短髮  
風前落且自登高散客愁

雜著

西風匹馬辭

原係先生散筆贈劉蓮幕迺翁劉耿齋先生也不忍湮沒

敬附  
於此

西風匹馬入申城  
懽樂深甌父子情  
乘興幾回登寺曉  
携筇一笑看山晴  
錦囊滿載詩篇富  
睥睨江湖眼界明  
好景無邊歸勝覽  
乾坤空闊見先生  
先生先生今豪傑  
百代兮殊絕  
志趣兮游覽  
江山兮環轍  
素輕兮權貴  
獨好兮良儔  
圖史兮自樂  
晨夕兮心休  
望郎君兮申陽  
郎君爲官兮循良  
私第兮如水  
包苴兮不行  
保民兮赤子  
望君兮堯唐  
上下兮敬慕  
遠近兮名揚  
先生見郎君

兮如此知先生  
兮樂只先生與  
侗兮心偕邀  
登古迹兮申臺  
西瞻賢隱東望  
震雷俯澗河兮  
水溶溶流湯湯  
先生暢然兮襟  
懷興闌兮旋歸  
秋風兮吹衣馬  
蹄兮輕疾遠望  
兮樹迷令侗悒  
鬱兮思想知先  
生無遐心兮恐  
金玉爾音爲

南康太守歌

南康太守眉州客  
作郡幾年聲藉藉  
遙知惠政追古人  
長遣遺思在雙舄  
憶昔朝天五馬繁  
九江草木皆含息  
欲向明庭思借冠  
紛紛祖道

高攀轅攀轅卧轍不可留呼聲嗷嗷擁道周爭  
前致詞請公履吾民長此思君侯朝天尚望公  
來還童稚猶騰竹馬歡一旦騎箕去漠漠陽春  
銷歇白日寒寂寂精英久飄卸遺履重看頓高  
價匡廬五老鎖愁峰彭蠡哀湍日夜瀉南樓高  
高烟霧靄公履長留名未艾汝墳棠樹硯山碑  
尚覺清風屬身外五花峰前白鹿祠後有紫陽  
前濂溪百里俎豆還相接今古三賢德政齊鳳  
雛翩翩來向東覽輝遠望白鹿空雪涕南樓易  
公履更新撤故民心同共笑履新愛亦新復携  
遺矩垂家人仁者之後寧窳落看公麟趾何振  
振岷峨發祥今在此四季三蘇真並美繩繩芳  
躅遠相承世德流輝照青史

Blank columns for text.

王椒園先生集卷之三終



